

Ordiziako Udala

2026DIZU0014

EUSKAL FONDOARI EMANDAKO DIRU-LAGUNTZA ARAUTZEN DUEN HITZARMENA

ELKARTURIK

Alde batetik, Adur Ezenarro Agirre, Ordiziako Udaleko ALKATEA, jakinarazpen helbidea Ordiziako udaletxean, hau da, Kale Nagusia 24, Ordizian, duena

Eta bestetik, NATIVIDAD LÓPEZ MUNAIN ALZOLA (Euskal Fondoako presidentea, NAN zenbakia 16256451M, EUSKAL FONDOAren ordezkaria, IFZ G48772487, jakinarazpen helbidea Aieteko Jauregia – Aiete Pasealekua, 65-2 duena

ESKU HARTZEN DUTE

Lehenengoak, Ordiziako Udalaren izenean eta ordezkaritzan, Toki Araubidearen Oinarriak arautzen dituen apirilaren 2ko 7/1985 Legearen 21.1.f) artikulua xedaturikoaren arabera.


Bigarrenak, EUSKAL FONDOAren izenean eta ordezkaritzan, zuzendari gisa, Sozietatearen Administrazio Kontseiluak bileran emandako ahamenaren arabera.

Bi aldeek hitzarmen hau egiteko behar adinako gaitasun juridiko nahikoa aitortzen diote elkarri, eta dokumentu hau sinatzen dute bakoitzak bere erakundearen izenean eta, helburu horretarako,

AZALDU DUTE

I.- EUSKAL FONDOA-k 2026ko maiatzaren 15ean Udal honetan aurkeztutako idatziaren bidez —sarrera erregistro zenbakia A/26-04733—, dirulaguntza proiektuen eta jardueren memoria aurkeztu zuela, Ordiziako Udalaren Dirulaguntzen Ordenantza Orokorak xedatutakoarekin bat etorritik. Memoria honek 13.300 euroko aurrekontua du, dirulaguntza eskaeraren helburu diren ondorengo jarduerak gauzatu ahal izateko, eta laguntza hori hitzarmen honen bidez emango da. Jarduerak:

a) Garapen-bidean diren herrien lankidetzan lagundu, garapen ekonomiko edo sozialerako edota sentsibilizaziorako egitasmo eta programak sustatuz, finantzatuz eta kudeatuz.



Ordiziako Udala

2026DIZU0014

b) Elkarlan deszentralizatuan toki-erakundeen parte-hartzea bultzatu eta horien arteko koordinazioa indartu.

c) Toki-erakundeei garapenerako lankidetzari eta nazioarteko harremanei buruzko aholkularitza eman.

d) Garapen-bidean diren herrien garapen jasangarria bultzatuko duten egitasmo eta programak babestu, eta hala badagokio kudeatu. Hau burutzeko irizpideak berdintasuna eta lankidetzaren izango dira, hala nola kulturekiko eta komunitate bakoitzaren nortasunarekiko errespetua ere.

e) Kanpaina eta informazio egokien bidez, garapen-bidean diren herriekiko elkarlan egitasmoetan hiritarrek parte har dezatela sustatu.

f) Toki-erakundeen eta GGKEen, elkartasun-taldeen eta garapenerako lankidetzari lotutako beste instituzio edo erakundeen arteko harremanak eta elkarkidetzaren bultzatu.

g) Ipar-hegoa harremanei buruzko eta garapen gaien inguruko informazioa lantzen eta hedatzen lagundu; bakarrik edota beste erakunde batzuekin batera topaketak, hitzaldiak, ikastaroak, mintegiak, kongresuak eta abar burutu eta sustatu.

h) Instituzio ofizialen, erakundeen eta elkarten ahaleginak sustatu eta bultzatu, nazioarteko ordena ekonomiko berria sustatzeko iritzi-giro egokia sortzeko.


i) Hegoaldeko herrialdeetan giza eskubideek jasaten dituzten eraso larri guztiak Euskal Herritik salatuko dituen ahots etiko kolektiboa izan, ezarririk dauden legezko bideak baliatuz ordezkari politikoaren edozein esparrutan elkartasunaren eta elkarlanaren alde nolanahiko lege- edo erabaki-proposamen aurkeztu ahal izango duena.

II.- Entitateak egunean dituela zerga-betebehar guztiak eta egunean dagoela Gizarte Segurantzarekin.

III.- Entitatea ez dagoela 38/2003 Legeak, azaroaren 7koak, Dirulaguntzei buruzkoak, bere 13. artikuluko 2. eta 3. zatietan dirulaguntzak jasotzeko adierazitako debekuausaren baten pean.

IV.- Bere estatutuekin bat etorritik, entitate eskatzailearen xedea bat datorrela hitzarmen honen bidez emango den dirulaguntzaren xede eta helburuekin.

V.- Dirulaguntza izendun hau, Ordiziako udalak 2024ko otsailaren 29an onartutako Ordiziako Udaleko Dirulaguntza Plan Estrategikoan (2024-2026) jasota dagoela, dirulaguntza izendun moduan.



Ordiziako Udala

2026DIZU0014

VI.- Ordiziako Udalaren 2026ko udal aurrekontuan, 1 481.05.230.20.0103 2026 partida agertzen dela entitate eskatzailearen dirulaguntza izendunaren kontzeptuaren pean.

VII.- 7/1985 Legeak, Toki Araubidearen Oinarriak arautzen dituenak, bere 25. artikuluan honela dioela: *“Udalerriak, bere interesak kudeatzeko eta bere eskumenen esparruan, auzo-erkidegoaren beharrak eta nahiak betetzen lagundu dezaketen jarduera-mota guztiak bultzatu eta nahi adina zerbitzu publiko egin ditzake.”*.

Hain zuzen ere, Lege horren 25.2 artikulua, udalen eskumenen artean, eskumen hau jasotzen duela:

k) Gizarte-zerbitzuak, gizarte-sustapeneko zerbitzuak eta gizarteratzeko zerbitzuak ematea.

Eskumen hau Udalaren berezko eskumenen artean dago eta EUSKAL FONDOAK ekimen horiek betetzen ditu.

Era berean, 2/2016 Legeak, apirilaren 7koak, Euskadiko Toki Erakundeei buruzkoak, 17. artikuluan, udalerrien eskumen propioak zeintzuk diren aipatzen ditu, horien artean ondorengo eskumena jasotzen du:

37) Garapenerako lankidetzaren alorreko politikak planifikatzea, antolatzea eta kudeatzea.

VII.- Beharrezkoa dela EUSKAL FONDOAK helburu horiekin egiten duen lanari behar bezalako aitortza egitea ez ezik, Udalaren eta EUSKAL FONDOAREN arteko lankidetzaren jardunean sakontzea ere, bere jardunaren kalitatea ziurtatu eta sendotzeko. Betiere, aintzat harturik Euskadiko Toki Erakundeei buruzko apirilaren 7ko 2/2016 Legearen bidez Udalariei ematen zaizkion eskumenak eta onuradunak Guatemalako Tipulcan, Chizon eta Esperanza Chizon herrixketan edateko uraren sistemarako aurkeztutako egitasmoa.

VIII.- Hitzarmen hau ematen dela lege-arau hauen babesean: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Dirulaguntzei buruzko lege orokorra eta 887/2006 Errege Dekretua, azaroaren 21ekoa, hura garatzen duen Erregelamendua onartzen duena; eta Ordiziako Udalaren Dirulaguntzen Ordenantza Orokorra.

IX.- 2026/1297 gauzatutako Alkate Dekretuak Elkarteak eskaturiko 13.300 euroko dirulaguntza emateko hitzarmena sinatzea erabaki zuela.

Eta ados daudenez, bi aldeek hitzarmen hau formalizatzen dute, ondoren zehazten diren klausulak ezarriz.

KLAUSULAK


Lehena.- Xedea.

Hitzarmen honen helburua da Ordiziako Udalaren eta EUSKAL FONDOAren arteko lankidetzarako eremu egonkor bat ezartzea, EUSKAL FONDOAk Ordiziako udalerrian burutzen dituen ekintzetarako Udalaren eskutik jasoko dituen dirulaguntzen araudia ezarriz.

Bigarrena.- Diruz lagundu daitezkeen jarduerak eta hartutako konpromezuak.

Hitzarmen honen eremuan honako jarduera hauek sartzen dira:

- a) Garapen-bidean diren herrien lankidetzan lagundu, garapen ekonomiko edo sozialerako edota sentsibilizaziorako egitasmo eta programak sustatuz, finantzatuz eta kudeatuz.
- b) Elkarlan deszentralizatuan toki-erakundeen parte-hartzea bultzatu eta horien arteko koordinazioa indartu.
- c) Toki-erakundeei garapenerako lankidetzari eta nazioarteko harremanei buruzko aholkularitza eman.
- d) Garapen-bidean diren herrien garapen jasangarria bultzatuko duten egitasmo eta programak babestu, eta hala badagokio kudeatu. Hau burutzeko irizpideak berdintasuna eta lankidetzaz izango dira, hala nola kulturekiko eta komunitate bakoitzaren nortasunarekiko errespetua ere.
- e) Kanpaina eta informazio egokien bidez, garapen-bidean diren herriekiko elkarlan egitasmoetan hiritarrek parte har dezatela sustatu.
- f) Toki-erakundeen eta GGKEen, elkartasun-taldeen eta garapenerako lankidetzari lotutako beste instituzio edo erakundeen arteko harremanak eta elkarkidetzaz bultzatu.
- g) Ipar-hegoa harremanei buruzko eta garapen gaien inguruko informazioa lantzen eta hedatzen lagundu; bakarrik edota beste erakunde batzuekin batera topaketak, hitzaldiak, ikastaroak, mintegiak, kongresuak eta abar burutu eta sustatu.
- h) Instituzio ofizialen, erakundeen eta elkarten ahaleginak sustatu eta bultzatu, nazioarteko ordena ekonomiko berria sustatzeko iritzi-giro egokia sortzeko.
- i) Hegoaldeko herrialdeetan giza eskubideek jasaten dituzten eraso larri guztiak Euskal Herritik salatuko dituen ahots etiko kolektiboa izan, ezarririk dauden legezko bideak baliatuz ordezkari politikoaren edozein esparrutan elkartasunaren eta elkarlanaren alde nolanahiko lege- edo erabaki-proposamen aurkeztu ahal izango duena.



Ordiziako Udala

2026DIZU0014

EUSKAL FONDOAK ondorengo konpromezuak hartzen ditu:

- Diru-laguntza hitzarmenean adierazitako helburu zehatzetarako erabiltzea.
- Hitzarmenean aurreikusitako egitasmoa osotasunean gauzatzea.
- Ordiziako Udalaren Dirulaguntzak emateko Ordenantza Orokorraren 8. artikuluan zein hitzarmen honen klausulatuan ezarritako betebeharrak betetzea.
- 1/2023 Legegintzako Dekretuko, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testuategina onartzen dueneko, hirugarren artikuluan eta 17 eta 19.4. artikuluetan jasotzen diren printzipio orokorrak betetzea.

Hirugarrena.- Indarraldia.

Hitzarmen hau izenpetzen den egunetik 2026ko abenduaren 31ra arte egongo da indarrean, nahiz eta horrek ez duen galarazten lehenengo klausulan zehaztutako denboraldian garatutako jarduerak finantzatzea horren kargura.


Emandako dirulaguntza behar bezala erabili dela justifikatu behar zaio Gizarte Ongizate departamentuari.

Laugarrena.- Diruz lagundutako jardueren finantzazioa.

Ordiziako Udalak hartuko du parte hitzartutako jardueren finantzaketan dirulaguntza baten bidez. 2026ko ekitaldian, aurrekontu-baliabide horiek 13.300,00 euro izango dira, 1 481.05.230.20.0103 2026 Udal Aurrekontuetako partidaren kargura; dena dela, diruz lagundutako elkarteak beste Erakunde batzuen dirulaguntzak ere jaso ditzake.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira dirulaguntzaren zenbatekoaren azken zehaztapena egiteko, zenbateko hori proiektu edo jardueraren azken kostuaren portzentaje bat bezala kalkulatu da eta inoiz ezingo du emandako zenbatekoa gainditu. Kasu horretan, Ordiziako udalak egindako balizko finantzazioaren soberakina kalkulatu da ekarpen horrek kostu osoaren aldean duen portzentajea erreferentzia gisa harturik.

Dirulaguntza hau bateragarria izango da helburu bereko beste dirulaguntza, laguntza, sarrera edo baliabide batzuekin, edozein administrazio edo entitate publiko edo pribatu nazionaletatik, Europar Batasunetik edo nazioarteko erakundeetatik datozenak, kalterik



Ordiziako Udala

2026DIZU0014

egin gabe honekin batera dauden diren beste dirulaguntzak erregulatzeko araudiak horri buruz agindu dezakeena.

Gerta daitezkeen aldi bereko finantzaketa-kasuak honako baldintza hauek bete beharra daukate:

a) Emandako dirulaguntzaren zenbatekoak ezin du inola ere gainditu, beste dirulaguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo dirulaguntzen zerrenda zehatz bat, zenbatekoak eta beren jatorria adierazita daudela.

b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie dirulaguntzak eman dituzten entitateei, entitate horietako bakoitzak emandako dirulaguntzen proportzioan.

Hala ere, baldin eta Ordiziako udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako dirulaguntzaren mugaraino.


Dirulaguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

Bosgarrena.- Dirulaguntza jaso dezaketen gastuak.

Dirulaguntza jaso dezaketen gastutzat hartzen dira, indarrean dagoen legeriaren eta Ordiziako Udalaren Ordenantza Orokorren aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; deialdian, hitzarmenean edo emakida-ebazpenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, deialdian, hitzarmenean edo ebazpenean espresuki kontrakoa xedatu ezean, justifikatzeko epea bukatu aurretik egiaz ordaintzea.

Kanpoan geratzen dira Balio Erantsiaren gaineko Zergari dagozkion gastuak, non eta ez den enpresa edo elkartearentzat gastu bat. Hori egiaztatzeko, Foru Ogasunak emandako dokumentazioa aurkeztu beharko da.

Bakar-bakarrik onartuko dira dirulaguntza eman edo hitzarmena onartutako urtearen barruan sortzen diren gastuak.



Dirulaguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, dirulaguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua dirulaguntza eskatu baino lehen egin bada. Alderdi horiek ziurtasun osoz justifikatu beharko dira.

Aurkeztutako eskaintzak aurkeztu behar dira edo justifikazioan edo, hala badagokio, dirulaguntzarako eskabidean. Proposamen ekonomikorik onena aukeratzeko ez denean, espresuki justifikatu beharko dira, memoria baten bidez, erabili diren irizpideak.


Gutxienez hiru hornitzailearen eskaintzak aurkeztu ez badira edo aukeratu bada, behar bezala arrazoitu gabe, proposamen ekonomikorik onena ez baizik besteren bat, organo emaileak eskatu ahal izango du ondasun edo zerbitzuaren peritu-tasazio bat egin dadila, eta sortzen diren gastuak pertsona onuradunaren kontura izango dira. Kasu horretan, dirulaguntza kalkulatu da erreferentziatza harturik bi balioetan txikiena dena: pertsona onuradunarena edo tasazioaren ondorioz ateratakoa.

Seigarrena.- Dirulaguntzaren justifikazioa

Dirulaguntza emateko egintzan aurreikusitako baldintza eta helburuak betetzearen eta lortzearen justifikazioa egingo da DLOaren 30. artikuluan, DLOaren Araudian eta Ordiziako Udalaren Dirulaguntzak emateko Ordenantza Orokorren IV Tituluan aurreikusita dagoenaren arabera.

Dirulaguntza justifikatuko da «justifikatzeko kontu erraztua» izeneko modalitateaz, oro har, honako dokumentazio hau duela (Ordiziako Udalaren Dirulaguntzak emateko Ordenantza Orokorren 44. Art.):

- a) Jarduera-memoria bat, dirulaguntza ematean ezarritako baldintzak betetzen direla justifikatzeko. Memoria horretan adieraziko da zein jarduera egin diren eta zein emaitza lortu diren. 1/2023 Legegintzako Dekretuan, martxoaren 16koan, emakumeen eta gizonen berdintasunerako eta emakumeen aurkako indarkeria matxistatik gabe bizitzeko Legearen testuategia onartzen duenean jasotzen den moduan, memorian sexuaren arabera banakatuta aurkeztuko da honako hauei buruzko informazioa: emandako zerbitzuaren azken onuradunak edo erabiltzaileak, pertsona titularrak eta langileak, eta dirulaguntza eragin duen zerbitzua emateko entitateak kontratatatu dituen langileak.
- b) Egindako jardueren kostua zein jasotako gainontzeko sarrerak justifikatzeko 1. Eranskina behar den bezala bete.



Ordiziako Udala

2026DIZU0014

Zazpigarrena.- Dirulaguntzen justifikazioa aurkezteko epea.

Dirulaguntzen justifikazioa aurkezteko epea hiru hilabetekoa izango da, jarduera gauzatzeko epea bukatzen denetik kontatuta.

Zortzigarrena.- Ordaintzeko prozedura.

Dirulaguntza bi zatitan ordainduko da: lehena organo eskudunaren erabakiaren jakinarazpenarekin batera eta Ogasunarekiko eta Gizarte Segurantzarekiko betebeharrak egunean dituela ziurtatzen duten agiriak aurkeztutakoan, honen zenbatekoa dirulaguntzaren %85a izango da (11.305,00€), eta gainontzeko %15a (1.995,00€), egindako gastua justifikatzen duen kontua onartutakoan.

Betebeharreko baldintza izango da Ordiziako Udalak aurretik emandako dirulaguntzen justifikazio dokumentazio osoa aurkeztu izana, beste dirulaguntza berri batean parte hartu ahal izateko.

Ordainketak Dirulaguntzen Datu Base Nazionalari jakinaraziko zaizkio ordaindu eta hurrengo hilabetea bukatu aurretik.


Bederatzigarrena.- Diruz lagundutako jardueraren publizitatea.

Entitate onuradunak diruz lagundutako jardueren publikotasuna zabaltzeko neurriak, diruz lagundutako objektuarentzat egoki direnak, dela beren forman, dela beren iraupenean, nola baitira, esaterako, karteletan, plaka oroigarrietan, inprimatutako materialetan, baliabide elektroniko edo ikus-entzunezkoetan Ordiziako udalaren irudi instituzionala edo beraren finantzaketa publikoari buruzko legendak sartzeari, edo hedabideetan aipamenak egitea, eta hori dena beste finantzaketa-iturri batzuei emandako garrantzia berdinarekin.

Hamargarrena.- Kontrol eta jarraipena.

Hitzarmen honen finantza kontrola pertsona edo entitate onuradunei egingo zaie, edo hala badagokio, erakunde kolaboratzaileei. Finantza kontrola Ordiziako Udalaren Dirulaguntzen Ordenantza Orokorraren xedatutakoari jarraiki egingo da.

Hitzarmen honen onuradunak behartuta daude kontrol finantzarioa egiten duten funtzionarioei lankidetzara eskaintzera eta horretarako eskatzen zaizkien agiriak eta beharrezko informazioa eskuratuko diete.



Ordiziako Udala

2026DIZU0014

Jarraipen eta kontrol prozesu horretan hitzarmen honetako baldintzak ez direla betetzen ikusten bada, beharrezko neurriak hartuko dira diru itzulketa egin dadin, eta kasua bada, emandako diru-laguntza kobratzeko eskubidea galduko da.

Hamaikagarrena.- Erantzukizunpeko adierazpena.

Ordiziako Udalaren dirulaguntzen Ordenantza Orokorren 20. artikuluan xedatutakoaren arabera, DLOren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

Hamabigarrena.- Euskararen erabilpena.

2000ko urriaren 26an onartu zen Ordiziako Udalaren Euskararen erabilera sustatu eta normalizatzeko Udal Ordenantza eta 20.1 artikuluan honako hau jaso zen: *“Kultur, kirol eta aisi elkarteei dirulaguntzak ematerakoan hizkuntzaren irizpidea ere kontuan hartuko da. Ondorioz, Ordiziako Udalarengandik dirulaguntzaren bat jasotzen duten elkarte eta entitateek, pertsona fisikoek nahiz entitate juridikoek, beren jardun subentzionatueta zabaltzen dituzten idatzi, iragarki, ohar eta gainerakoak, ahozkoak, zein idatzizkoak, euskaraz edo euskaraz eta gaztelaniaz idatzi eta ezagutzera eman beharko dituzte, elebrietan egiten duten kasuetan lehentasuna euskarari eman beharko diotelarik, bai kokaeran, luzeran, nola tamainan.”*.


Hori horrela, ahozko informazioa (megafonia...) eta idatzizkoa (kartelak, oharak...) euskaraz edo ele bitan egingo dira, eta azken kasu horretan euskarari lehentasuna emanda, Ordiziako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.

Hamahirugarrena.- Genero berdintasuna.

Dirulaguntzen onuradunek ondorengo printzipioak errespetatuz jardun beharko dute: tratu berdina; aukera-berdintasuna; dibertsitatea eta ezberdintasuna errespetatzea; genero-ikuspegiaren integrazioa; ekintza positiboa; sexuaren arabeko rolak eta estereotipoak desagerraraztea, eta koordinazioa eta lankidetzak.

Dirulaguntzaren onuradunak ezingo dute inolako laguntzarik jaso honako kasuetan:

- Pertsona fisiko edo juridikoak baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioen kontrakoak badira.



Ordiziako Udala

2026DIZU0014

- Irudi edota hizkuntza sexista erabiltzen duten pertsona fisiko edo juridikoek.
- Sexuan oinarrituta edo 1/2023 Legegintzako Dekretuko, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testuategina onartzen dueneko 3.1 artikuluan adierazitako diskriminazio anizkoitzeko inguruabarretan oinarrituta diskriminatzen duten jarduerak, ez eta sexuan oinarrituta diskriminazioa egiteagatik edo emakumeen eta gizonen berdintasunaren arloko araudia ez betetzeagatik administrazio- edo zigor-zehapenen bat ezarri zaien pertsona fisiko eta juridikoak ere, dagokion zehapenean ezarritako denbora tarte osoan. Halaber, laguntza eta dirulaguntzetatik kanpo geratuko dira estatu-araudiaren arabera berdintasun-plan bat indarrean izan behar duten arren halakorik ez duten enpresak, eta, estatu-legeriak emakumeen eta gizonen berdintasunaren esparruan finkatzen duen bezala, sexu-jazarpena edo sexuan oinarritutako jazarpena prebenitzeko edo haien aurka egiteko neurriak ezarri dituztela egiaztatzen ez duten 50 langiletik gorako enpresak.
- Emakumeen eta Gizonen berdintasun efektiboari buruzko martxoaren 22ko 3/2007 Lege Organikoan xedatutako obligazioak betetzen ez dituzten entitate edo enpresak.
- Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.

Hamalugarrena.- Izaera pertsonaleko datuak.

Izaera pertsonaleko datuak arautzen duen legeriak agintzen duenari jarraituta, bi aldeek konpromisoa hartzen dute indarrean dagoen legerian xedatutakoa, aplikatu daitekeen guztian, beteko dutela.


Hamabosgarrena.- Lan eta zerga legeria.

Diruz lagundutako elkarteak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.

Hamaseigarrena.- Izaera administratiboa eta Gainerako legeria.

Hitzarmen honek izaera administratiboa du. Beraz, bere klausulek eta legedia administratiboak arautzen dute.

Hitzarmen honetan araututa ez dagoenean, honako lege-arau hauetan xedatutakoa bete beharko da: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren



Ordiziako Udala

2026DIZU0014

21ekoa; eta Ordiziako Udalaren dirulaguntzen Ordenantza Orokorra (2026ko martxoaren 3an GAOn argitaratua, 41 zenbakia).

Hamazazpigarrena.- Gardentasun Ataria.

Hitzarmenaren testua Gardentasun atarian argitaratuko da.

Hemezortzigarrena.- Iraungitzea.

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

Sinatzaileak	ALKATEA Adur Ezenarro Agirre Euskal Fundoa Natividad López Munaiz Alzola
	Dokumentu hau elektronikoki sinatu da, honen sinesgarritasuna ziurtatzeko jo interneteko orrialde honetara: https://udal.egoitza.gipuzkoa.eus/PortalV/r/0/76/AAAATQQ06.gQ0m